

第五冊

古今名醫驗方類編

上海大東書局印行

古今名醫驗方類編目錄

卷十七 外科

癰疽瘡瘍門

癰疽初起	一	便癰膿血	八	骨疽	一〇
癰腫無頭	二	癰疽拔膿	八	癰疽惡毒	一〇
癰疽腫毒	二	癰疽持漏	八	瘡疽不出	一一
癰腫不破	三	一切癰腫	八	緩疽腫痛	一一
癰疽發背	四	陰疽不發	八	痒疽內固	一一
石癰堅硬	六	腸癰	八	羊疽瘡痒	一一
癰腫毒氣	六	異疽似癰	九	風疽瘡疥	一一
癰疽惡肉	七	癰疽寒顛	九	身面石疽	一一
癰疽已潰	七	脇疽見臟	九	肩疽白禿	一一
癰疽不合	七	癰疽托裏	九	癰疽惡疽	一一
癰腫不散	七	潰癰作痒	九	發背初起	一二
癰腫瘀血	七	癰疽便閉	九	疽瘡有蟲	一二
決癰代針	七	輕粉毒癰	九	發背不潰	一二
癰瘡生蛆	八	服硫發癰	九	老人發背	一二
		骨癰癰病	九	癰疽諸瘡	一二
		疔毒疽瘡	九	發背已潰	一三
				發背欲死	一三

背瘡熱腫	一三	臃瘡	一三
發背散血	一四	臃瘡熱瘡	一四
五毒發背	一四	臃瘡不斂	一四
發背疔瘡	一四	臃瘡頑癬	一四
疔腫初起	一四	諸般惡瘡	一四
暗疔昏狂	一七	惡瘡似癰	一五
疔瘡發汗	一七	惡瘡見血	一六
十三種疔	一七	惡瘡防水	一六
馬疔腫毒	一八	蛇纏惡瘡	一六
疔瘡惡腫	一八	卒得惡瘡	一六
魚臍疔瘡	一九	惡瘡近死	一六
水疔暗疔	一九	惡瘡癰痒	一六
疔腫傷風	一九	烏癰風瘡	一六
疔瘡黑凹	一九	風瘡	一六
雌雄疔瘡	一九		
背瘡灸法	二〇		
楊梅結毒	二〇		
廣東惡瘡	二二		
天泡濕瘡	二二		
黃水肥瘡	二二		

古今名醫驗方類編卷十七

外科

癰疽瘡瘍門

●癰疽初起

【本草方】一切無名腫毒孫氏集效方用野菊花連莖搗爛酒煎熱服取汗以渣傅之即愈

【衛生簡易方】用野菊花莖葉蒼耳草各一握共搗入酒一碗絞汁服以渣傅之取汗即愈或六月六日采蒼耳葉九月九日采野菊花爲末每酒服三錢亦可

【乾坤祕韞】一切惡瘡獐黃草端午采者一兩乳香一兩白礬燒半兩爲末每服二錢熱酒調下

毒重者連進三服得汗妙

【簡便方】大黃五倍子黃蘗等分爲末新汲水調塗日四五次

【孫真人千金方】商陸根和鹽少許搗傅日再易之

【肘后方】痛不可忍蓖麻子仁搗傅即止也

【千金方】芫花末和膠塗之

【孟詵食療】用栝樓根苦酒熬熟搗篩以苦酒和塗紙上貼之 楊文蔚方用栝樓根赤小豆等分爲末醋調傅之

【壽域神方】發背乳癰便毒惡瘡初起者並用五葉藤或根一握生薑一塊搗爛入好酒一碗絞

汁熱服取汗以渣傅之卽散一用大蒜代薑亦

可

【千金翼】豬膽汁和芥子末貼之日三上豬脂亦

可

【瀕湖集簡方】白芥子末醋調塗之

【本草方】一切腫毒生蔓菁根一握入鹽花少許

同搗封之日三易之 肘后方用蔓菁葉不中

水者燒灰和臘豬脂封之

【本草方】翻白草根五七個煎酒服之

【普濟方】帶泥山藥蓖麻子糯米等分水浸研傅

之卽散也

【儒門事親方】赤龍散用野葡萄根曬研爲末水

調塗之卽消也

【李樓奇方】松香八兩銅青二錢蓖麻子仁五錢

同搗作膏攤貼甚效

【范汪東陽方】不問硬軟取秋葉十重傅腫上舊

帛裹之日三易之當重重有毒氣爲水流在葉

上冬月取乾葉鹽水浸軟或取根皮搗爛傅之

皆效止痛消腫食膿血勝于衆藥

【醫林正宗】桐油點燈入竹筒內熏之得出黃水

卽消

【本草方】五倍子炒紫黑色蜜調塗之 簡便治

一切腫毒初起無頭者五倍子大黃黃蘗等分

爲末新汲水調塗四圍日三五次

【余居士方】大蝦蟆一個剝碎同炒石灰研如泥

傅之頻易

【仁齋直指方】穿山甲插入穀芒熱灰中炮焦爲

末二兩入麝香少許每服二錢半溫酒下

【外臺方】已潰未潰者用鯉魚燒灰醋和塗之以愈爲度

【小品方】敗龜甲一枚燒研酒服四錢

【姚僧坦集驗方論】用此拔毒水調牡蠣粉末塗之乾更上

●癰腫無頭

【本草方】孟詵曰三日後取葵子二百粒水吞之當日卽開也 經驗方云只吞一粒卽破如吞兩粒則有兩頭也

【經驗方】龍葵莖葉搗傳之

【經驗後方】蜀葵子爲末水調傳之

【虞搏醫學正傳】新掘天門冬三五兩洗淨沙盆搗細以好酒濾汁頓服未效再服必愈此祖傳經驗方也

【本草方】權曰白蘇赤小豆蔞草爲末雞子白調塗之 陶隱居方用白蘇二分藜蘆一分爲末

酒和貼之日三上

【集簡方】野園葵一把穿山甲燒存性七分當歸尾三錢搗爛入酒一盃絞汁服以渣傳之

【小品方】赤小豆末水和塗之毒卽消散頻用有效

【古今錄驗】背癰附骨疽未成膿者胡桃十個煨熟去殼槐花一兩研末杵勻熱酒調服

【本事方】拔毒止痛荷葉中心蒂如錢者不拘多少煎湯淋洗拭乾以飛過寒水石同臘猪脂塗之又治癰腫柞木飲方中亦用之

【仙傳外科】用白芷紫荊皮等分爲末酒調服外用紫荊皮木蠟赤芍藥等分爲末酒調作箍藥

【本草方】藏器曰以水蛭十餘枚令啞病處取皮皺肉白爲效冬月無蛭地中掘取暖水養之令動先淨人皮膚以竹筒盛蛭合之須臾咬啞血滿自脫更用饑者

【肘后方】蛇蛻灰猪脂和塗

【王肅外臺祕要】已成未成用水膠一片水漬軟當頭開孔貼之未有膿者自消已潰者令膿自出

【宗奭衍義】未潰用乾人屎末麝香各半錢研勻以大豆津調貼頭外以醋麵作錢護之膿潰去藥

●癰疽腫毒

【外臺祕要】伏龍肝以蒜和作泥貼之乾再易或雞子黃和亦可

【陳自明外科精要】曾孚先云凡癰疽瘡瘍皆因氣滯血凝而致宜服諸香藥引氣通血常器之云凡氣血聞香卽行聞臭卽逆瘡瘍皆由氣滯而血聚最忌臭穢不潔觸之毒必引蔓陳正節公云大凡疽疾多因怒氣而得但服香附子藥進食寬氣大有效也獨勝散用香附子去毛以生薑汁淹一宿焙乾碾爲細末無時以白湯服二錢如瘡初作以此代茶瘡潰後亦宜服之或只以局方小烏沉湯少用甘草愈後服至半年尤妙

【千金】婦人妬乳乳癰小兒頭瘡及浸淫黃爛熱瘡疥疽陰蝕並用天麻草切五升以水一斗半煮一斗分數次洗之以殺痒

【李迅癰疽集驗方】發背初發二日但有熱證便

宜服漏蘆湯退毒下膿乃是宜熱拔毒之劑熱

退卽住服漏蘆用有白茸者連翹生黃芪沉香

各一兩半粉草半兩大黃微炒一兩爲細末每

服二錢薑棗湯調下

【乾坤生意】發背惡瘡用鐵掃帚同松毛牛膝以

水煎服

【王袞博濟方】及打撲傷損未破疼痛者以生地

黃杵如泥攤在上糝木香末於中又攤地黃泥

一重貼之不過三五度卽內消也

【直指方】黃蜀葵花用鹽糝收盜器中密封經年

不壞每用傅之自平自潰無花用根葉亦可

【外臺祕要】連翹草及根各一升水一斗六升煮

汁三升服取汗

【楊誠經驗方】紫花地丁連根同蒼耳葉等分搗

爛酒一鍾攪汁服卽愈

【深師方】川烏頭炒黃柏炒各一兩爲末唾調塗

之留頭乾則以米泔潤之

【保生餘錄】及瘡癰用蓉絲菜或根馬蹄草莖或

子卽蕁也各取半碗同苧麻根五寸去皮以石

器搗爛傅毒四圍春夏秋日換四五次冬換二

三次換時以薺水洗之甚效

【千金翼】家芥子末同柏葉搗塗無不愈者大驗

得山芥更妙

【諸症辨疑】乾薑一兩炒紫研末醋調傅四圍留

頭自愈此乃東昌申一齋奇方也

【集簡方】黃蘗皮炒川烏頭炮等分爲末唾調塗

之留頭頻以米泔水潤濕

【唐慎微本草】膿血不止地骨皮不拘多少洗淨

刮去粗皮取細白穰以粗皮同骨煎湯洗令膿血盡以細穰貼之立效有一朝士腹脅間病疽經歲或以地骨皮煎湯淋洗出血一二升家人懼欲止之病者曰疽似少快更淋之用五升許血漸淡乃止以細穰貼之次日結痂矣

【簡便方】重陽前取芙蓉葉研末端午前取蒼耳燒存性研末等分蜜水調塗四圍其毒自不走散名鐵井闌

【醫方摘要】壁虎焙乾研末油調傳之卽止

【千金方】用米醋和蚌蛤灰塗之待其乾卽易之

●癰腫不破

【衛生易簡方】黃葵子研酒服一粒則一頭神效

【婦人經驗方】乳癰腫毒金黃散用川大黃粉草各一兩爲末好酒熬成膏收之以絹攤貼瘡上

仰臥仍先以溫酒服一大匙明日取下惡物

【聖惠方】茵草一兩爲末雞子白調塗帛上貼之日二易取效止得痛爲良

【外科精要】止痛靈寶散用鬼繫腰生竹籬陰濕石岩間絡石而生者好絡木者無用其藤柔細兩葉相對形生三角用莖葉一兩洗曬勿見火皂莢刺一兩新瓦炒黃甘草節半兩大瓜萸一個取仁炒香乳香沒藥各三錢每服二錢水一盞酒半盞慢火煎至一盞溫服

【姚僧坦方】薏苡仁一枚吞之

【肘后方】苦酒和雀屎如小豆大傅瘡頭上卽穿也

【外科精義】烏金散治癰癤腫硬無頭不變色者菜粉四兩葱白一兩同炒黑研末醋調貼一伏

時又換以消爲度

【千金方】潰癰不合老鼠一枚燒末傳之

●癰疽發背

【瀕湖集簡方】廚內倒吊塵爲末以生葱極嫩心

同搗膏傳之留頭一日一換乾則以水潤之

【經驗方】黑鉛一斤甘草三兩微炙瓶盛酒一斗

浸甘草乃鎔鉛投酒中如此九度去滓飲酒醉

臥卽愈

【直指方】諸癰疽好光粉二兩真麻油三兩慢火

熬以柳枝急攪至滴水成珠入白膠末少許入

器水浸兩日油紙攤貼名神應膏

【救急方】銀硃白礬等分煎湯溫洗却用桑柴火

遠遠灸之日三次甚效

【發明】頌曰大凡石類多主癰疽世傳麥飯石膏

治發背瘡甚效乃中岳山人呂子華祕方裴員

外昭之以名第何南尹脅之以重刑呂寧絕榮

望守死不傳其方取此石碎如碁子炭火燒赤

投米醋中浸之如此十次研末篩細入乳鉢內

用數人更番研之

【直指方】初作卽服此使毒氣不內攻以麻油一

斤銀器煎二十沸和醇醋二碗分五次一日服

盡

【直指方】一切腫毒敗麥麵硫黃各二兩爲末井

華水和作餅曬收每用一餅磨水傳之痛則令

不痛不痛則令痛卽愈

【葛氏方】粳米粉熬黑以雞子白和塗練上剪孔

貼之乾則易神效

【千金方】已潰未潰用香鼓三升入少水搗成泥

照腫處大小作餅厚三分瘡有孔勿覆孔上鋪鼓餅以艾列于上灸之但使溫溫勿令破肉如熱痛卽急易之患當減快一日二次灸之如先有孔以汁出爲妙

【發明】頌曰經言蒺藜散癰腫按李絳兵部手集方云毒瘡腫毒號叫臥眠不得人不能別者取獨頭蒜兩顆搗爛麻油和厚傅瘡上乾卽易之屢用救人無不神效盧坦侍郎肩上瘡作連心痛悶用此便瘥又李僕射患癰癰久不瘥盧與此方亦瘥又葛洪肘后方云凡背腫取獨頭蒜橫截一分安腫頭上炷艾如梧子大灸蒜百壯不覺漸消多灸爲善勿令大熱若覺痛卽拏起蒜蒜焦更換新者勿令損皮肉洪嘗苦小腹下患一大腫灸之亦瘥數用灸人無不應效又江寧

府紫極宮刻石記其事云但是發背及癰疽惡瘡腫核初起有異皆可灸之不計壯數惟要痛者灸至不痛不痛者灸至痛極而止疣贅之類灸之亦便成痂自脫其效如神乃知方書無空言者但人不能以意詳審則不得盡應耳時珍曰按李迅論蒜錢灸法云癰疽之法着灸勝于用藥緣熱毒中鬲上下不通必得毒氣發洩然後解散凡初發一日之內使用大獨頭蒜切如小錢厚貼頂上灸之三壯一易大概以百壯爲率一使瘡不開大二使內肉不壞三瘡口易合一舉而三得之但頭及項以上切不可用此恐引氣上更生大禍也又史源記蒜灸之功云母氏背脾作痒有赤暈半寸白粒如黍灸二七壯其赤隨消信宿有赤流下長二寸舉家歸咎於

灸外醫用膏護之日增一暈二十二日橫斜約六七寸痛楚不勝或言一尼病此得灸而愈予奔問之尼云劇時昏不知人但聞范奉儀坐守灸八百餘壯方甦約艾一篩予亟歸以炷如銀杏大灸十數殊不覺乃灸四旁赤處皆痛每一壯燼則亦隨縮入三十餘壯赤暈收退蓋灸遲則初發處肉已壞故不痛直待灸到好肉方痛也至夜則火熾滿背瘡高阜而熱夜得安寢矣至曉如覆一甌高三四寸上有百數小竅色正黑調理而安蓋高阜者毒外出也小竅多毒不聚也色正黑皮肉壞也非艾火出其毒於壞肉之裏則內逼五臟而危矣庸醫傳貼涼冷清散之說何可信哉

【發明】宗奭曰凡患發背及一切癰疽者削冬瓜

一大塊置瘡上熱則易之分散熱毒氣甚良震亨曰冬瓜性走而急寇氏謂其分散熱毒氣蓋亦取其走而性急也久病者陰虛者忌之孫真人言九月勿食令人反胃須被霜食之乃佳

【外臺祕要】及發乳諸毒用吳茱萸一升搗爲末用苦酒調塗帛上貼之

【醫林正宗】大如盤臭腐不可近桐葉醋蒸貼上退熱止痛漸漸生肉收口極驗祕方也

【劉松石保壽堂方】凡人中熱毒眼花頭暈口乾舌苦心驚背熱四肢麻木覺有紅暈在背後者即取槐花子一大抄鐵杓炒褐色以好酒一盃冲之乘熱飲酒一汗即愈如未退再炒一服極效縱成膿者亦無不愈彭幸菴云此方三十年屢效者

【救急方】榆根白皮切清水洗搗極爛和香油傅之留頭出氣燥則以苦茶頻潤不粘更換新者將愈以桑葉嚼爛隨大小貼之口合乃止神效

【發明】時珍曰觀靈樞經治寒痺內熱用桂酒法以桑炭灸布巾熨痺處治口僻用馬膏法以桑勾鈎其口及坐桑灰上皆取此意也又癰疽發背不起發或瘰肉不腐潰及陰瘡瘰癧流注臙瘡頑瘡惡瘡久不愈者用桑木灸法未潰則拔毒止痛已潰則補接陽氣亦取桑通關節去風寒火性暢達出鬱毒之意其法以乾桑木劈成細片紮作小把燃火吹息灸患處每吹灸片時以瘰肉腐動爲度內服補托藥誠良方也

【發明】時珍曰其方治一切癰疽發背流注諸腫毒痛冷熱不明者紫荊皮炒三兩獨活去節炒

三兩赤芍藥炒二兩生白芷一兩木蠟炒一兩爲末用葱湯調熱敷血得熱則行葱能散氣瘡不甚熱者酒調之痛甚者筋不伸者加乳香大抵癰疽流注皆氣血凝滯所成遇溫則散遇涼則凝此方溫平紫荊皮乃木之精破血消腫獨活乃土之精止風動血引拔骨中毒去皮濕氣芍藥乃火之精生血止痛木蠟乃水之精消腫散血同獨活能破石腫堅硬白芷乃金之精去風生肌止痛蓋血生則不死血動則流通肌生則不爛痛止則不愀風去則血自散氣破則硬可消毒自除張實之曰自除五者交治病安有不愈者乎

【仙傳外科】發背初生一切癰疽皆治單用紫荊皮爲末酒調箍住自然撮小不開內服柞木飲

子乃救貧良劑也

【同上】癰疽未成用白芷紫荊皮等分爲末酒調服外用紫荊皮木蠟赤芍藥等分爲末酒調作箍藥

【發明】時珍曰芙蓉花并葉氣平而不寒不熱味微辛而性滑凝粘其治癰疽之功殊有神效近時瘍醫祕其名爲清涼膏清露散鐵箍散皆此物也其方治一切癰疽發背乳癰惡瘡不拘已成未成已穿未穿並用芙蓉葉或根皮或花或生研或乾研末以蜜調塗於腫處四圍中間留頭乾則頻換初起者卽覺清涼痛止腫消已成者卽膿聚毒出已穿者卽膿出易斂妙不可言或加生赤小豆末尤妙

【醫林集要】未成者用活蟾一個緊放瘡上半日

蟾必昏憤置水中救其命再易一個如前法其蟾必跟蹤再易一個其蟾如舊則毒散矣累驗最效若勢重者以活蟾一個或二三個破開連肚乘熱合瘡上不久必臭不可聞再易二三次卽愈慎勿以微物見輕也

【保壽堂方】用雄雞冠血滴疽上血盡再換不過五六雞痛止毒散數日自愈

【千金方】初作及經十日以上腫赤焮熱日夜疼痛百藥不效者用煨雞子一枚新狗屎如雞子大攪勻微火熬令稀稠得所捻作餅子於腫頭上貼之以帛包抹時時看視覺餅熱卽易勿令轉動及歇氣經一宿定如日多者三日貼之一日一換至瘡乃止此方穢惡不可施之貴人一切諸方皆不能及但可備擇而已

【梅師方】母猪蹄一雙通草六分綿裹煮羹食之

【外臺】用白犬屎半升水絞取汁服以滓傳日再

【千金方】一切腫毒用胡燕窠土鼠竈土榆白皮

栝樓根等爲末以女人月經衣水洗取汁和傳

腫上乾卽易之潰者封其四圍五日瘥

●石癰堅硬

【千金方】石癰不膿梁上塵灰芩根莖灰等分用

醋和敷之

【張文仲方】石癰如石堅硬不作膿者生商陸根

搗擦之燥卽易取軟爲度亦治濕漏諸癰

【千金方】不作膿者葇荑子爲末醋和傳瘡頭根

卽拔出

【范汪方】石癰諸癰赤小豆五合納苦酒中五宿

炒研以苦酒調塗卽消加栝樓根等分

【千金方】如石不作膿用橡子一枚以醋於青石

上磨汁塗之乾則易不過十度卽平

【千金方】不作膿者蜀桑白皮陰乾爲末烱膠和

酒調敷以軟爲度

【總錄】用蛇蛻皮貼之經宿卽愈

●癰腫毒氣

【日華本草】紫石英火燒醋淬爲末生薑米醋煎

傳之摩亦得

【簡易方】已潰未潰皆可用之胡黃連穿山甲燒

存性等分爲末以茶或雞子清調塗

【發明】頌曰范汪方療惡毒癰腫或連陰卵髀間

疼痛攣急牽入小腹不可忍一宿卽殺人者用

茴香苗葉搗汁一升服之日三四服其滓以貼

腫上冬月用根此是外國神方永嘉以來用之

起死回生神驗

●癰疽惡肉

【普濟方】癰疽瘰癧肉石灰半斤蕎麥稽灰半斤淋汁煎成霜密封每以針畫破塗之自腐

【肘后方】白炭灰白荻灰等分煎膏塗之蝕盡惡肉以生肉膏貼之亦去黑子此藥只可留十日久則不效

【鬼遺方】地黃三斤水一斗煮取三升去滓煎稠塗紙上貼之日三易

【千金方】不消者薊薹灰石灰各淋取汁合煎如膏傅之能蝕惡肉疥亦去瘰癧此藥過十日即不中用也

【古今錄驗】烏頭五枚濃醋三升漬三日洗之日夜三四度

【怪症奇方】丁香末傅之外以膏藥護之

【外科精義】烏金膏解一切瘡毒及腐化瘰癧肉最能推陳致新巴豆仁炒焦研膏點痛處則解毒塗瘰癧肉上則自化加乳香少許亦可若毒深不能收斂者宜作撚絰之不致成痛

●癰疽已潰

【陳日華經驗方】用牛膝根略刮去皮插入瘡口中留半寸在外以嫩橘葉及地錦草各一握搗其上牛膝能去惡血二草溫涼止痛隨乾隨換有十全之功也

【集簡方】芫花根皮搓作撚插入則不生合令膿易竭也

●癰瘡不合

【外臺祕要】石硫黃粉以筴蘸插入孔中以瘡爲

度

【直指方】瘡口冷滯以北艾煎湯洗後白膠熏之

【千金方】烏麻炒黑搗傳之

【直指方】瘡口太深用絲瓜搗汁頻抹之

【直指方】經霜黃桑葉爲末傳之

【千金方】破蒲蓆燒灰臘月猪脂和納孔中

【李樓怪症奇方】不拘發背一切瘡用鰲甲燒存

性研糝甚效

【千金月令】牛屎燒末用雞子白和封乾卽易之

神驗也

【醫方摘要】收斂癰疽鰓頭一個煨研雞子十個

煮熟去白以黃煎出油入白蠟少許調灰傳之

外以膏護住神妙

【千金方】老鼠一枚燒末傳之

●癰腫不散

【圖經】生白藥根搗貼乾則易之無生者研末水和貼

●癰腫瘀血

【發明】時珍曰按葛洪抱朴子云蛇銜膏連已斷之指今攷葛洪肘后方載蛇銜膏云治癰腫瘀血產後積血耳目諸病牛嶺馬鞍瘡用蛇銜大黃附子芍藥大戟細辛獨活黃芩當歸莽草蜀椒各一兩薤白十四枚右爲末以苦酒淹一宿以猪膏二斤七星火上煎沸成膏收之每溫酒服一彈丸日再服病在外摩之傳之在耳綿裏塞之在目點之若入龍銜藤一兩則名龍銜膏也所謂連斷指者不知卽此膏否

●決癰代針